



Broj, 01-07-10-51-31/2024  
Sarajevo, 22.1.2024. godine

Na osnovu člana 25. stav (1) u vezi sa članom 26. stav (4) Zakona o slobodi pristupa informacijama na nivou institucija Bosne i Hercegovine ("Službeni glasnik BiH", br. 61/23) i člana 5. Pravilnika o postupanju po zahtjevu za pristup informacijama Visokog sudskog i tužilačkog vijeća Bosne i Hercegovine br. 08-02-3075/2010 od 2.9.2010. godine, 08-02-3645/2013 od 24.9.2013. godine, 08-02-388-1/2014 od 22.1.2014. godine i 08-07-2-3459/2021 od 29.9.2021. godine, rješavajući po zahtjevu za pristup informacijama Josipa Aničića, [REDACTED], od 15.1.2024. godine, predsjednik Visokog sudskog i tužilačkog vijeća Bosne i Hercegovine donosi

## RJEŠENJE

**Odobrava se** pristup informacijama o disciplinskom postupku koji se odnosi na sudije Općinskog suda u Širokom Brijegu [REDACTED].

## Obrazloženje

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 15.1.2024. godine zaprimilo zahtjev Josipa Aničića, [REDACTED] (u daljem tekstu: podnositelj zahtjeva) za pristup informacijama u vezi sa disciplinskom prijavom protiv sudija Općinskog suda u Širokom Brijegu [REDACTED]. Naime, imajući u vidu da je od Ureda disciplinskog tužioca (u daljem tekstu: UDT/Ured) VSTV-a BiH dobio obavijest da je na osnovu njegove pritužbe pokrenut disciplinski postupak protiv [REDACTED], sutkinje Općinskog suda u Širokom Brijegu, podnositelj zahtjeva je tražio informacije o ishodu njegovih prijavi protiv sudija navedenog suda [REDACTED], konkretno da li je završena istraga UDT-a VSTV-a BiH i kakva je odluka.

Razmatrajući predmetni zahtjev, u skladu s nadležnostima VSTV-a BiH, utvrđeno je da VSTV BiH posjeduje podatke navedene u izreci ovog rješenja, te da omogućavanje pristupa istim nije protivno odredbama Zakona o slobodi pristupa informacijama na nivou institucija Bosne i Hercegovine ("Službeni glasnik BiH" 61/23; dalje u tekstu: Zakon).

Uvidom u službenu evidenciju, utvrđeno je da UDT formirao predmet broj UDT DI 011833 22 koji je okončan pokretanjem disciplinskog postupka protiv [REDACTED], sutkinje Općinskog suda u Širokom Brijegu, dok su navodi pritužbe protiv [REDACTED], nakon provedene istrage, odbačeni primjenom člana 83. stav (4)

Poslovnika Vijeća, jer je utvrđeno da nema dovoljno dokaza o učinjenom disciplinskom prekršaju.

Postupajući po zahtjevu podnositelja, a u skladu sa svim gore navedenim, odlučeno je kao u dispozitivu ovog rješenja.

### **Pouka o pravnom lijeku:**

Protiv ovog rješenja podnositelj zahtjeva ima pravo podnijeti žalbu Žalbenom vijeću pri Vijeću ministara Bosne i Hercegovine u roku od 15 dana od dana prijema istog.

Ukoliko Žalbeno vijeće ne odluči po žalbi u roku od 30 dana od dana prijema žalbe, podnositelj žalbe ima pravo pokrenuti upravni spor pred Sudom Bosne i Hercegovine zbog šutnje administracije.



Dostavljeno:

1. Podnositelju zahtjeva
2. Uredu disciplinskog tužioca
3. U spis